

**სამტრედიის მუნიციპალიტეტის მერიის ინფრასტრუქტურის,
სივრცითი მოწყობის, არქიტექტურის, მშენებლობის, ტრანსპორტისა და ტერიტორიის
კეთილმოწყობის სამსახურის ანგარიში, 2023 წელს გაწეული მუშაობის შესახებ.**

2023 წელს სამტრედიის მუნიციპალიტეტის ტერიტორიაზე სხვადასხვა ფონდების დაფინანსებით განხორციელდა შემდეგი სახის პროექტები:

1. რეგიონული განვითარების ფონდის დაფინანსებით - 44 ლოკაციაზე (30 ლოტი) განხორციელდა ინფრასტრუქტურული პროექტები, რომლებზეც გამოიყო **6 824 433,00** ლარი, მათ შორის რეგ-ფონდის წილი იყო **6 163 156,00** ლარი, ხოლო ადგილობრივი ბიუჯეტის **467 012,00** ლარი.

განხორციელებელი პროექტების უმეტეს ნაწილს წარმოადგენს მუნიციპალიტეტში არსებული გზების რეაბილიტაცია. სარეაბილიტაციო გზები განთავსებულია, როგორც ქალაქის, ასევე მუნიციპალიტეტში შემავალ თითქმის ყველა სოფლის მიმართულებით, მათ შორის მაღალმთიან სოფლებშიც, რითაც მუნიციპალიტეტში მიმდინარე წელს დაგებული იქნება დაახლოებით 36 კილომეტრამდე გზა, როგორც ასფალტის, ასევე ბეტონის საფარით. ასევე განხორციელდა 1 სკვერის, თანხით **140 140** ლარით და 1 წყალმომარაგების (ჭოგნარი) პროექტი - თანხით **108 848** ლარით.

სამუშაოები შესრულებულია, როგორც ფაქტიურად, ასევე საკასო შესრულებით 100%-ით.

გარდა ამისა მუნიციპალიტეტის ტერიტორიაზე მიმდინარე წელს განვითარებული **სტიქიური** მოვლენების შედეგად დაზიანებული სხვადასხვა ინფრასტრუქტურული ობიექტების აღსადგენად (მათ შორის ფიზიკური პირების საცხოვრებელ სახლებზე მიყენებული ზიანისათვის) სახელმწიფოს მიერ გამოიყო თანხა **2 760 000** ლარი, რომლის ნაწილით შეძენილი იქნა თუნუქის სახურავი, ხოლო დანარჩენი თანხით განხორციელდა და ზოგიერთ მათგანზე ახლაც მიმდინარეობს სამუშაოები (ნაპირსამაგრი; ხიდ-ბოგირების მოწყობა-რეაბილიტაცია; კორპუსების გადახურვა და სხვა). საბოლოოდ სულ შესრულდება 38 (მათ შორის მრავალსართულიანი კორპუსები, ადმ. შენობები, საბავშვო ბაღები და სხვა შენობები) გადახურვის სამუშაოები, 7 ხიდისა და ხიდ-ბოგირის მოწყობის და 10 ნაპირსამაგრი სამუშაოები.

რაც შეეხება ადგილობრივი ბიუჯეტიდან მიმდინარე წელს გამოიყო და განხორციელდა **7 165 477** ლარის სამუშაოები წელს აღნიშნული თანხით ხორციელდება 47 პროექტი 79 ლოკაციაზე, მათ შორისაა 11 სპორტული მოედანი, საცურაო აუზი, 7 სკვერი, 5

მოსაცდელი, გზებისა და ტროტუარის, სანიაღვრე არხების რეაბილიტაცია, ასევე ამხანაგობის პროგრამით განხორციელდა 5 ბინის გადახურვა, 1 ბინის სადარბაზოს რეაბილიტაცია, ასევე ლაშა თევზაძის ქუჩაზე გადაიხურა და მოეწყო ფასადი 2 ბინაზე. განხორციელდა გარე განათების ქსელების რეაბილიტაცია - შეიღება განათების ბოძები. მიმდინარეობს სამუსიკო სკოლის რეაბილიტაცია. იანეთის ახლად აშენებულ საბავშვო ბაღში მოეწყო ეზო.

მუნიციპალიტეტის ბიუჯეტით განხორციელდა ჩხენიშის საჯარო სკოლის რეაბილიტაცია და ილორის შერწყმული სკოლის მცირე სარეაბილიტაციო სამუშაოები სულ თანხით - **640,282.00 ლარი**.

სოფლის განვითარების პროგრამით ხორციელდება სულ - 80 პროექტი; მიმდინარე - 3; დასრულებული - 77; თანხა - 773 000 ლარი (660 000 მთავრობა + 113 000 ადგილობრივი).

მიმდინარე წელს მუნიციპალიტეტის ტერიტორიაზე განხორციელდა სხვადასხვა კერძო ობიექტების მშენებლობა და არსებულის რეკონსტრუქცია, სულ გაიცა **90 მშენებლობის ნებართვა**. რამდენიმე განაცხადზე მიმდინარეობს შესწავლა.

მერიის ინფრასტრუქტურის, სივრცითი მოწყობის, არქიტექტურის, მშენებლობის, ტრანსპორტისა და ტერიტორიის კეთილმოწყობის სამსახური თავის თავში მოიცავს 6 მიმართულებას მათ შორის ერთი განყოფილება.

- ინფრასტრუქტურის, სივრცითი მოწყობის, არქიტექტურის, მშენებლობის, სამსახურში დასაქმებულია 9 თანამშრომელი (სამსახურის უფროსი, განყოფილების უფროსი და 7 სპეციალისტი).

სპეციალისტები თავის კომპეტენციის მიხედვით გადანაწილებულია ცალკეულ მიმართულებებზე სამუშაოდ, რომლებიც ყოველდღიურ რეჟიმში ახორციელებენ მათზე დაკისრებული დავალებების შესრულებას. სამსახური ახორციელებს ყველა სახელმწიფო სტრუქტურებიდან მიღებული სხვადასხვა კორესპოდენციების განხილვას და საპასუხო წერილების მომზადებას.

სამსახური უზრუნველყოფს მუნიციპალური ინფრასტრუქტურის - ადგილობრივი მნიშვნელობის გზების, ხიდების, გარე განათებების, სანიაღვრე მეურნეობის, მუნიციპალიტეტის საკუთრებაში არსებული კომუნიკაციების განვითარებისათვის შესაბამისი პროგრამებისა და პროექტების მომზადებაში მონაწილეობის მიღებას და შესაბამისი ელ. ვერსიების დამუშავებას.

ზემოთ ჩამოთვლილი სამუშაოების პროცესში ინფრასტრუქტურის სამსახური მთლიანადაა ჩართული. აღნიშნულ სამუშაოებზე საპროექტო წინანდადებების შემუშავებისა და საორიენტაციო ღირებულებების დადგენის შემდეგ ხდება თითოეული პროექტის მომზადება საკრებულოს სხდომაზე განსახილველად მათი მოწონების

მიზნით. მოწონებული პროექტების დაფინანსება კი ხდება საკონსულტაციო საბჭოზე განხილვის შემდეგ. სამსახური სამუშაოების დაწყების დღიდანვე აქტიურადაა ჩართული სამუშაოების პროცესში. ყოველდღიურ რეჟიმში ხორციელდებოდა სამუშაოების პროცესზე დაკვირვება და საჭირო შემთხვევაში მონაწილეობს პროექტების კორექტირებების განხილვაში კერძოდ, სატენდერო კომისიის მუშაობაში.

სამსახური ახორციელებს ესკიზური ნახაზების დამზადებას, ყველა მიმდინარე რგფ-ისა და სოფლის პროგრამით გათვალისწინებული სამუშაოების ტექ. დოკუმენტაციების შემოწმება და კონტროლს კორექტირებებზე, სამსახურის შემადგენლობაში არის ინსპექტირების ჯგუფის წევრები, ასევე სხვადასხვა მუდმივმოქმედი და დროებითი კომისიის წევრები. ვიზილავთ ფიზიკური პირების განცხადებებს. ხდება ავარიული საცხოვრებელი სახლების ასევე საზოგადოებრივი ობიექტების ვიზუალური დათვალიერება და შესაბამისი დეფექტური აქტების შედგენა.

2023 წელს ინფრასტრუქტურის სამსახურს დაეწერა 12100-მდე კორესპოდენცია, რომლის 80%-ზე მოვახდინეთ რეაგირება.დანარჩენი მიღებულია ცნობის სახით და ნაწილზე მიმდინარეობს შესწავლა-დამუშავება.

ინსპექტირების ჯგუფის ხელმძღვანელის დავალების შემთხვევაში სამსახური მონაწილეობას ღებულობს მშენებლობის დროს ფარული სამუშაოების დათვალიერებასა და აქტის შედგენაში, ასევე ადგენს შესრულებულ სამუშაოებზე მოცულობათა უწყისებს.

გარდა ამისა სამსახური მონაწილეობას ღებულობს მოსწავლეთა ტრანსპორტირების ორგანიზებაში, კერძოდ „საჯარო სკოლის მოსწავლეების ტრანსპორტით უზრუნველყოფის“ პროგრამით მიმდინარე სკოლის მოსწავლეთა მომსახურება და სსიპ საგანმანათლებლო და სამეცნიერო ინფრასტრუქტურის განვითარების სააგენტოდან დელეგირებული უფლებამოსილებით ხორციელდება ყოველდღიური მონიტორინგი 23 საჯარო სკოლის მოსწავლეთა მომსახურებაზე.

ზედამხედველობას უწევს საზოგადოებრივი ტრანსპორტით მგზავრთა უსაფრთხო გადაზიდვებს საქალაქო და საგარეუბნო მარშრუტებზე. მონაწილეობას იღებს მოსახლეობის განცხადებებში მითითებული მგზავრთა გადაზიდვების დროს წარმოქმნილი პრობლემების შესწავლა და მათი აღმოსაფხვრელად შესაბამის რეაგირებაში.